



### **OSHKI-AAKOZIWIN (GOOBID-19)**

#### **GIZIINIGAADEG**

**Omaa wiindamaagem ge-izhi-giziinigeying gaa-izhaawaad awiyag daabishkoo gikino'am-aadiiwigamigoon, gichi-gikendaasoowigami-goon, agindaasoowigamigoon, miyooziyam-an, gichi-odaabaanag gaye gaa-izhi-maama-wi-daawaad awiyag gaye gaa-izhi-anokiing.**

DIN 00000000

#### **GE-GIKENDAMAMBAN**

Gaa-aabajitooying giziibiiga'igan gaye giziini-gan onizhishin GOOBID-19 jinitooying.

Gaa-zaaminigaadeg ayaadog aakoziwin daabishkoo omaa: ishkwandemaabikoon, gaa-daninigaadeg wegonen igo, ishpaanda-webizon daanginigan, waasikwanebijigan, ataaso wiikobijigan, nibi gii-zhenigaadeg, adoopowinan gaye daataanginiganan.

Gaawiin mashi gikenjigaadesinon aan apiichi ginwesh GOOBID-19 bemaadiziimagak gaa-izhi-zaaminamang gegoo, maagizhaa niso-diba'igan gemaa niso-giizhig ngojigo.

#### **AABAJITOON GE-MINO-GIZIINIGEMAGAK BEKICHIGEYIN BIINICHIGEYIN**

Bekichigeyin, aabajitoon awe giziiba'igan **gaye** giziinigan gaa-mashkawigiziinigemagak (adaawewigamigong gaa-adaawaadegin giziiniganan gaye gaasii'iganan).

Manijooshensag gaa-onjiimagak aakoziwin, azhashki gaye gaa-wiinadag giziinigaadewan gii-aabaji'ad giziibiiga'igan gaye aabajitooyin nibi. Amii ge-onji-gizii'aabaawadooyin ini gaa-aakoziishkaagemagakin, gaawiin dash aapiji da-aazhoo'iwesiim.

(Gaa-adaawaadegin gaa-zoswebiigisegin giziiniganan) **Giziinigewinan** onjichigaade gaa-aakoziishkaagemagak.

Aabajitoon ini [gaa-ijigaadegin ji-aabajichigaadegin giziiniganan](#) (DIN) gaa-izhibii'igaadegin. Amii ini 8 nishwaachinon agind-aasonan Mino-ayaawin Gaanada gaa-ikidod ji-aabadakibaniin omaa Gaanada Akiing, wenzhishing jiaabadakin.

#### **NAASAAB INAKE IZHI-BEKICHIGEN**

Gaa-naagajitoowaad gaa-izhi-maamawi-danakamigizing, naasaab inake daa-izhi-beki-chigewag imaa biindig. Amii iwe ge-onji-gikenjigaadeg giishpin e-onizhishing gemaa giyaabi ji-biinichigewaapan.

Agindan imaa makakong ezhi-wiindamaageng aaniin ge-izhi-aabajichigaadeg iwe giziinigan (bisikaw gaa-zhaabobiisigwaa minjikaawanag, gegoo gashkiya'iing danakamigiziken, ginwesh igo atoon iwe giziinigan ji-nisindwaa igi manijooshensag gaa-aakoziishkaagewaad).





Giziininjiin weweni ji-aabaji’ad giziibiiga’igan gemaa ishkodwaaboong gaa-onji-ozhichigaa-deg giziinigan ishkwaaw-giichiminjikaawaneyin.

Gaa-dipaabaaweg bagwaanish aabajitoon ji-giziinigeyin, gemaa giziisaga’igan.

Gego gaa-bengwaag aabajitooken gemaa da-zoswesh-kaamagan gaa-aakoziishkaagemagak.

Gaa-ishkwaaw-aabajitooyin gaa-inwaadegin ji-webinigaadegin (bagwaanishan gaye giziisag-a’iganing) daa-gashkiiginigaadewan jibwaa-webinaman. Gaa-webinigaadesinogin dash wiin gi-daa-giziisabadoonan gizhaagamideng (60-90 C) ji-ako-gizhaagamideg.

**Bekitoon gaye giziinan gaa-izhi-zaaminamo-waad awiyag nasine**

Gaa-izhi-zaaminigaadeg maawach daa-gizii-nigaade moozhag, weweni ji-giziiyaabaawa-zowaad manijooshensag gaa-aakoziishkaage-waad.

Gaa-maamawi-aabajichigaadegin jiibaakwe-wigamigoon gaye zaaga’amoowigamigoon nawach nasine daa-bekichigaadewan.

**GAKINA GI-DAA-DAGWIIMIN JI-GIBITINIGAA-DEG IWE OSHKI-AAKOZIWIN**

**GOOBID-19. WII-GIKENDAMAN GIYAABI, OMAA INAABIN**

**Canada.ca/coronavirus**

gemaa izhi-giigidon

**1-833-784-4397**